

Na osnovu člana 16. stav 4. Zakona o Vladi Zeničko-dobojskog kantona –Prečišćeni tekst (“Službene novine Zeničko-dobojskog kantona”, broj: 7/10), a u skladu sa članom 45. stav (4) Zakona o izvršenju Budžeta Zeničko-dobojskog kantona za 2016. godinu (“Službene novine Zeničko-dobojskog kantona”, broj: 2/16), Vlada Zeničko-dobojskog kantona, na 66. sjednici, održanoj 16.08.2016. godine, d o n o s i

ZAKLJUČAK

o usvajanju Izvještaja o utrošku budžetskih sredstava za period januar-juni 2016. godine na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti-za zdravstvo“

I

Usvaja se Izvještaj o utrošku budžetskih sredstava za period januar-juni 2016. godine planiranih u Budžetu Zeničko-dobojskog kantona za 2016. godinu («Službene novine Zeničko-dobojskog kantona», broj: 2/16) na razdjelu 21-Ministarstvo zdravstva, budžetskoj organizaciji 01, potrošačkoj jedinici 0001, ekonomski kod 615100 - „Kapitalni transferi drugim nivoima vlasti - za zdravstvo“, koji čini sastavni dio ovog zaključka.

II

Zaključak stupa na snagu danom donošenja.

Broj: 02-_____ /16.

Datum, 16.08.2016. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,

1x Ministarstvo finansija,

1x a/a.



IZVJEŠTAJ

***O UTROŠKU BUDŽETSKIH SREDSTAVA NA RAZDJELU 21-MINISTARSTVO ZDRAVSTVA,
BUDŽETSKA ORGANIZACIJA 01,POTROŠAČKA JEDINICA 0001, EKONOMSKI KOD 61510,
POZICIJA „KAPITALNI TRANSFERI DRUGIM NIVOIMA VLASTI-ZA ZDRAVSTVO“ ZA
PERIOD JANUAR- JUNI 2016. GODINE***

Zenica, august 2016. godine

UVOD

Zaključkom Vlade Zeničko-dobojskog kantona broj: 02-14-10775/16 od 30.05.2016. godine, a u skladu sa članom 33. i 45. Zakona o izvršenju Budžeta Zeničko-dobojskog kantona za 2016. godinu ("Službene novine Federacije Bosne i Hercegovine", broj: 2/16), usvojen je Program utroška sredstava na razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti-za zdravstvo“, kojim su planirana sredstava u 2016. godini u iznosu od 2.400.000,00 KM.

Potrošnja planiranih sredstava je podijeleljna u dvije cjeline:

- I. Ulaganja u JU Kantonalna bolnica Zenica u iznosu 2.200.000,00 KM i
- II. Ulaganja u ostale zdravstvene ustanove u iznosu 200.000,00 KM

Zakonom o izvršavanju Budžeta Zeničko-dobojskog kantona za 2016. godinu u članu 45., stavu 3. propisana je obaveza nadležnog organa uprave da o utrošenim sredstvima po usvojenom programu polugodišnje izvještava Vladu Zeničko-dobojskog kantona.

Ukupni rashodi po osnovu kapitalnih transfera za zdravstvo u prvom polugodištu 2016. godini iznose 607.823,10 KM, što iznosi 25,3% ukupno planiranih sredstava ili 50,7% linearno planiranih sredstava i u cjelosti se odnose na sredstva opredijeljena za JU Kantonalna bolnica Zenica. Veći stepen izvršenja se očekuje u narednom periodu, obzirom da je program utroška sredstava za ove namjene donesen krajem petog mjeseca ove godine. U istom periodu prethodne godine za kapitalne transfere za zdravstvo utrošeno je 361.485,05 KM, odnosno izdvajanja u prvom polugodištu ove godine su za 68% veća u odnosu na uporedni period.

I. Ulaganja u JU Kantonalna bolnica Zenica

Vlada Zeničko-dobojskog kantona je donijela Odluku o odobravanju sredstava za refundaciju troškova finansiranja nabavke opreme i održavanja opreme u JU Kantonalna bolnica Zenica (Odluka broj: 02-14-7635/16) u ukupnom iznosu od 478.883,89 KM, koja se odnosila na transfer sredstava zdravstvenoj ustanovi za izmirenje obaveza po osnovu tri ugovora sa dobavljačem „Siemens „d.o.o. Sarajevo i to :

1. Ugovor o prodaji i instalaciji sistema Magnetom Avanto Tim 1,5T i sistema CT Somatom Definition AS40 kao i sufinansiranje troškova pripreme prostora za smještaj opreme broj: 20/1-1296/09
2. Ugovor o popravci i stavljanju u funkciju CT aparata u Službi za radiologiju (zamjena CT cijevi STRATON MX P46) broj: 20/1-2802/15
3. Ugovor o održavanju medicinske opreme broj: 20/1-2947/12

Navedena sredstva su transferisana u četiri mjesečne rate. Realizacija navedene Odluke je bila osnov za zaključivanje sporazuma o međusobnom izmirenju obaveza i potraživanja sa „Siemens“ d.o.o. Sarajevo.

Vlada Zeničko-dobojskog kantona je donijela Odluku o odobravanju sredstava za nabavku opreme i ugradnju rezervnih dijelova u uređaj Compact Linak Elekta u Službi za onkologiju i radioterapiju JU Kantonalna bolnica Zenica (Odluka broj: 02-14-12532/16) ukupnom iznosu od 128.939,21 KM.

JU Kantonalna bolnica Zenica se obratila sa zahtjevom za obezbjeđenjem finansijskih sredstava za nabavku i ugradnju rezervnih dijelova za uređaj COMPACT Linak Elekta u vrijednosti 128.939,21 KM po Ugovoru broj: 29/1-2263 od 29.02.2016. godine, zaključen sa firmom “Medpoint” d.o.o. Ilijaš.

Zbog hitnosti u rješavanju navedenog kvara, obzirom da se radi o aparatu koji ostvaruje značajne prihode od Zavoda zdravstvenog osiguranja Federacije Bosne i Hercegovine, te činjenice da nije bio donesen Program potrošnje na poziciji “Kapitalni transferi za zdravstvo”, Kantonalni zavod zdravstvenog osiguranja je obezbjedio navedena sredstva kroz pozajmicu JU Kantonalna bolnica. Nakon donošenja Programa utroška sredstava, stekli su se uslovi za donošenje Odluke kojom Vlada Zeničko-dobojskog kantona obezbjeđuje sredstva za navedenu popravku .

II. Ulaganja u ostale zdravstvene ustanove

U prvom polugodištu 2016. godine nije bilo troškova po osnovu ulaganja u ostale zdravstvene ustanove. Bitno je napomenuti da je 30.06.2016. godine Vlada Zeničko-dobojskog kantona donijela Odluku o odobravanju sredstava za učešće u zajedničkom finansiranju projekta izgradnje ambulante u Zgošći u ukupnom iznosu 100.000,00 KM (Odluka broj: 02-14-12531/16), te će troškovi po ovom osnovu teretiti budući period. Sporazumom o zajedničkom finansiranju projekta izgradnje ambulante u Zgošći , potpisanog 17.06.2016.. godine između Ministarstva zdravstva Zeničko-dobojskog kantona i Općine Kakanj strane potpisnice su se obavezale da će učestvovati u zajedničkom finansiranju projekta izgradnje ambulante u Zgošći.

Finansiranje poslova prema projektu iznosi ukupno 146.042,93 KM bez PDV-a, a prema utvrđenom učešću u finansiranju, Ministarstvo zdravstva Zeničko-dobojskog kantona će učestvovati u iznosu od 100.000,00 KM, a Općina Kakanj u preostalom iznosu vrijednosti ukupnog projekta.

MINISTAR

Dr Dragoljub Brenjo

Dostavljeno:

1x Naslovu

1x a/a

